



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Broj: 02-11-4785-4/25
Zenica, 19.05.2025. godine

Na osnovu člana 68. stav 4) tačka i) i člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22, 50/24) i Rješenja URŽ-a broj: JN2-03-07-1-578-7/25 od 09.05.2025. godine, na prijedlog Službe kabineta gradonačelnika, Gradonačelnik grada Zenica donosi:

ODLUKU
o izboru najpovoljnijeg ponuđača za nabavku usluga vanlinijskog prevoza

Po provedenom konkurentskom zahtjevu za dostavu ponuda, za nabavku usluga vanlinijskog prevoza, objavljenog na portalu javnih nabavki, broj: 1355-7-2-16-3-76/25 od 11.03.2025. godine i u Službenom glasniku BiH broj: 17/25 od 21.03.2025. godine, za najpovoljnijeg ponuđača izabran je:

“BABIĆ-BISSTOURS“ d.o.o. Zenica

Stavlja se van snage Odluka o izboru najpovoljnijeg ponuđača za nabavku usluga vanlinijskog prevoza broj: 02-11-4785-2/25 od 01.04.2025. godine, a u skladu sa Rješenjem Ureda za razmatranje žalbi Mostar, broj: JN2-03-07-1-578-7/25 od 09.05.2025. godine.

O b r a z l o ž e n j e

Po provedenom konkurentskom zahtjevu za dostavu ponuda, za nabavku usluga vanlinijskog prevoza, učestvovali su sljedeći ponuđači:

1. PD „SERVISTRANS“ d.o.o. Donji Vakuf
2. „PREVOZ PUTNIKA“ d.o.o. Zavidovići
3. “BABIĆ-BISSTOURS“ d.o.o. Zenica

Ponuda ponuđača PD „SERVISTRANS“ d.o.o. Donji Vakuf ne ispunjava uslove iz tenderske dokumentacije, iz sljedećih razloga: Ponuđač PD „SERVISTRANS“ d.o.o. Donji Vakuf je u svojoj ponudi, na stranama 5. i 7. ponude dostavio Izjave iz člana 45. i člana 52. Zakona o javnim nabavkama, ovjerene od strane ponuđača, što nije u skladu sa tenderskom dokumentacijom, tačkom 2.2. gdje je navedeno da izjave iz člana 45. i 52. moraju biti ovjerene od strane nadležnog organa.

Ponuđač PD „SERVISTRANS“ d.o.o. Donji Vakuf u svojoj ponudi je propustio dostaviti spisak izvršenih ugovora, kao i potvrde o uspješnoj realizaciji ugovora, što nije u skladu sa tačkom 2.4. tenderske dokumentacije kao ni u skladu sa članom 48. Zakona o javnim nabavkama.

S obzirom na navedeno, ponuda ponuđača PD „SERVISTRANS“ d.o.o. Donji Vakuf odbacuje se u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

Procijenjena vrijednost za javnu nabavku iznosila je 40.000,00 KM bez PDV-a.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Procjena ponuda i rangiranje, dati su u Zapisniku o ocjeni ponuda I, broj: 11-11-4785-9/25 od 28.03.2025. godine, Zapisniku o ocjeni ponuda II, broj: 11-11-4785-10/25 od 08.04.2025. godine, Zapisniku o ocjeni ponuda III, broj: 11-11-4785-11/25 od 16.05.2025. godine i Zapisnik o ocjeni ponuda IV, broj: 11-11-4785-12/25 od 19.05.2025. godine, a izvršeni su na osnovu Poslovnika o radu komisije, broj: 11-11-4785/25 od 04.03.2025. godine.

E-aukcija je održana dana 19.05.2025. godine sa početkom u 09:00 sati. Na e-aukciji su učestvovala 2 ponuđača, pri čemu je cijena snižena 89 puta. E-aukcija je uspješno okončana u 10:10 sati, te su ponuđači bodovani kako slijedi:

R.B.	Naziv ponuđača	Cijena u KM bez PDV-a	Bodovi
1.	„BABIĆ-BISSTOURS“ d.o.o. Zenica (Goraždanska bb, 72000 Zenica, ID:4218090550004)	28.249,00 KM	100
2.	„PREVOZ PUTNIKA“ d.o.o. Zavidovići	28.250,00 KM	99,00

Ugovorni organ je izvršio izbor najpovoljnijeg ponuđača „BABIĆ-BISSTOURS“ d.o.o. Zenica, na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-4785-1/25 od 03.03.2025. godine.

Ponuđač koji je izabran kao najpovoljniji, dužan je u roku od 5 (pet) dana od prijema ove Odluke o izboru najpovoljnijeg ponuđača dostaviti dokumentaciju iz člana 45. Zakona o javnim nabavkama, kao što je navedeno u tački 2.4. tenderske dokumentacije.

Na osnovu izloženog, odlučeno je kao u dispozitivu.

Pouka o pravnom lijeku

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 5 (pet) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Dostavljeno:

3 x Ponuđači

1 x Tenderska dokumentacija

1 x Služba kabineta Gradonačelnika

1 x a/a

